

Ukulwisha ica Bupyani mu Calo ca Bulayo

Amalango 1:6-8,

“Yehoba Lesa wesu asosele kuli ifwe mu Horeb, ati, mwakokola ukwikala mu lupili ulu: alukeni, teukeni no kuya...Moneni, nabike calo ico ku cinso cenu: ingileni no kukwate calo ico YEHOBA alapile kuli ba shinwe, kuli Abrahamu, kuli Isaki na kuli Yakobo, ku kucipela kuli bene na ku bufyashi bwabo ubukakonkapo.”

Nibanga ababelenga mu Malango 1 mulya, uko inengu shaile mulya mwine no kusondako ifintu ukufuma mu Kenani, **icili Kenani tayaba icipasho ca Millennium**. Nibanga abaishiba cilya? **Kenani tayaba icipasho ca Millennium**, pa mulandu balikwete amabulwi, ukulwa, ukwipaya, kabili ne fintu fyonse ifyashala mu Kenani. **Kenani yaba icipasho ca Mupashi wa Mushilo**. Egupti li sonde umu bena bafumine. **Mu matololo e mo bashishiwe, Ulukuta ulwaitwa**. **Kenani e ko baikela na Mupashi wa Mushilo**, pa mulandu bali bacili balikwete amabulwi, kabili nga ta mwacetekela mwalikwata amabulwi, mukapokelele fye Umupashi wa Mushilo limo.

Ni cinshi ico mulecita? Ni cinshi ico bacita mu Kenani? **Bena balepoka insambu shabo**. Ubukata. **Bena balepoka insambu shabo**. Kabili bena tekuti bapoke insambu shabo mpaka balifikile mu Kenani. **Bena tabakwetepo icintu nangu cimo mu matololo**. Lyena, ilyo baishile mu Kenani, lyena balikwete insambu. Kabili ifwe twalikwata insambu. Ilyo

twapokelela Mupashi wa Mushilo, imwe muli mu Kenani. Imwe mulingile ukulwishisha cena; akaputulwa konse ka mushili mulingile ukulwila kena. Ee, mukwai. Ulya e mulandu wine abantu batila, “Munyina Branham, mu mpepeleko ilelo, ine...” Mwamona? Kabiye mulya mu Kenani inshita imo, munyina, kabili uli no kwishiba kuntu waba. **Moneni amapepo ukutendeka ifintu kulya nomba.** Ee, mukwai.

Ena atile, “Lolekesha kuno, Satana. Ici candi. Ndi mwine wa ici. Lesa efyo asosele. Fuma apa. (Cilya cishinka.) Fumapo pa mushili wandi.”

“Umushili obe?” Satana alesosa.

“Ninkwata nkalata ya bumwine kuli cena. Fuma apa! Nawishiba. Nalapela kalata kuli iwe ku butungulushi wa Mupashi wa Mushilo.” Ena alafumapo. Mucine, ena alingile ukucita. ^[1]

Nomba, ibukisheni, Ena abapele icalo; lelo baishile lwisha iciputulwa conse icacepesha ca cena. Lesa aebele Yoshua, *“Ukuntu konse uko ukanyante nyatilo sha makasa yenu, napela kuli imwe.”* **Ukunyante nyantilo cipilibula ukukwata (Yoshua 1:3).**

Tulabika ku mbali amelenganyo (11 Abena Korinti 10:3-6). Ifwe tulayaponya panshi, no kusenda Icebo. Sendeni Icebo, endeni! Icebo efyo casosa.

Nomba, mwatila, “Lyena ubulayo bwandi.” Mucine. **Lelo muli no kulwisha akaputulwa konse akacepesha mpaka mwaba abatuntulu.** Muli no kusenda ulutampulo ululi lonse ulwa cena. **Cena bulwi. Ubulayo bwenu. Cilya cali calo ca bulayo;** bena balilwile ukusenda ulutampulo lonse ulwa cena. Kabili ubulayo

bwenu, lelo mukalwisha iciputulwa conse icacepesha ica bwena.

Ukutwalilila Munyina Branham atile: Naitilwe na Lesa ukushimikila Imbila nsuma imyaka iyapitapo amakumi yatatu na cimo. Nali lwisha ukutula lilya. **Iciputulwa conse ica mushili na lilwisha no Lupanga lwa kwa Lesa, ukusenda ubulayo, kabili no kuputaula.**

Lesa apele ubulayo. Lekeneni twikale na bwena. Lesa alilaya bwena. Te mulandu...Imwe mulingile ukukwata ubulwi. **Nge cintu conse ciisa ca bunang'ani, ni cinshi ico mulecimfya? Bali cimfishe ku Cebo cakwa Lesa no bunte bwabo, Umulopa wakwa Kristu** (*Ukusokolola 12:11*). Imwe mulingile ukucimfya icintu cimo, kabili mulingile ukukwata ifyakucingilisha fimo. Kabili abantu abo abapusana, no kutalikishanya na imwe, no ku mweba ukutula muli ba kakunkuluka ba mushilo, ne fintu, ifyo ifyabikwa ku ntanshi yenu, cena bwesho. Nga tamwakwata cilya, lyena ta mulimo na mu bulwi.

Cinshi ico mwailundile mu Fita no kusambilipo? Ukwikala fye, ukulaenda enda mu musebo no kuilangisha? Ulya e musango Abenakristu bamo bacita, ukutula tulefwaya uku latulolekesha. Imwe bakamilolekesha bubi bubi. *"Awe na bonse abekala abalungami muli Kristu Yesu bakapakaswa"* (*11 Timoti 3:12*). Sendeni ulupanga, putuleni ifintu fyonse ukufuma kuli imwe, kabili twalileni ukulaenda.

Yoshua, Kalebu, batalalike abantu batile, "Ifwe teti tusende cena, ifwe tekuti tucicite fye. Epela fye." Mwamona, bena balelolekesha pa bena Amaleki. **Yoshua na Kalebu balelokesha pa bulayo.** Bulya e bupusano. **Cili pafyo mulelolekeshapo** (*Impendwa 13:26-33*). Yoshua atile, "tuli abapulamo ukucicita. **Ifwe tuli abapulamo ukucicita.** Mulandunshi, atile, "Bena cakulya fye cesu. Cinshi, balemoneka abakalamba.

Bena bakalamba. Lelo tuli no kukwata icakulya icingi.” Atile, “**Lesa alitupela ubulayo**, kabili bali no mwenso uwa ifwe pali cila umo uwa bena. Lelo balipusana na ifwe; lelo baletutina ifwe.” Mucine. Atile “Akatina ka kwa Shikulu kali pali cila umo uwa bena. Bena bali no mwenso wamfwa pa mulandu wa ifwe.” Atile, “Natuleya tuye senda cena. Lesa alipela cena kuli ifwe, e ico cena cesu. Natuleya pantanshi no kupoka cena” (*Impendwa 14:1-10*). [2]

Cisuma, bushe mwalimona ilyo tabalafika ku calo ca bulayo, ilyo tabalaingila mu calo ca bulayo, ico kuti caba fye inshiku ishinono, inshiku ikumi nangula ikumi limo na cimo, Nalimo ukukanacila filya, pamulanu califye ama mailoshi amakumi yane na fimbipo. Bena nga baile fye mu calo ca bulayo; bena kuti baisa fye iciputulwa conse ca bulendo ico twaenda. Kabili bena baliishile, balyabwike Bemba Uwakashika; ifita fyakwa Farao fyalepalama kunuma yabo. Bena bali abantungwa ukufuma ku balwani babo, batendeke mukati ka matololo, kabili bafikile pa mupaka wa calo ca bulayo pa Kadash-Barnea, kabili kulya balifililwe (*Impendwa 13 na 14*). Mulandunshi? Mulandunshi uo bafililwe?

Nomba, Mose atile ku mikowa ikumi; atile, “Ena ali no kutuma umwaume ukufuma kuli cila mukowa ukwiminako cila mukowa, ukuya mu kulengula icalo ukuyamona umusango cabelelemo.”

Nomba, nga cilya tacili filya fine icifulo cenu, uko mwafumine. Ulukuta lwafuma ukupitila mu kulungamikwa ukupitila muli Luther, ukupitila mu kushishiwa ukupitila muli ba Methodist, kabili nomba mpaka ku nshita ya bulayo. **Ubulayo lubatisho lwa Mupashi**, ico icalaiwa monse mu Cipingo ca Kale (*Yoele 2:28-32*) kabili ne Cipyana naco, ubulayo: “Moneni,

Nkatuma ubulayo bwakwa Tata pali imwe..." (Luka 24:48-49). Petro asosele cilya pa bushiku bwa Pentecost.

Bulya bulayo. Icalo ca bulayo caba ukwikala muli ici calo ca Mupashi wa Mushilo. Bulya bulayo bwa kwa Lesa lukuta, **caba ukwikala mu maka ya Mupashi. Cena calo cimbi; cena calo cimbi.** Imwe mulingile ukufuma mu misango iyo mwalimo, ukufuma ukwisa mu kwikala muli ici calo ca bulayo, ukupokelela ubulayo. Ibukisheni ubulayo, *"Mukapokelela amaka ukufuma ku mulu, panuma ya ici, Mupashi wa Mushilo ukusa pali imwe..."* (Imilimo ya Batumwa 1:8).

Kabili Petro atile ukuti ubulayo ubo ubwapelwe konse kunuma mu Cipingo, Icakale ne Cipy...Mulesanga ukulaya ukuya pantanshi, ukuya pantanshi ukufika kuli bulya bushiku bwa Pentecost, **kabili lyena baliingile mu bulayo.**

Ibukisheni, Yoshua na Kalebu bali fye babibili mwi bumba lyonse, ilya ba milllioni babili na hafu iya bantu abo abaile mulya mu calo ca bulayo, pa mulandu baliile kulya mu calo ca bulayo, kabili bapokelele amapalo, kabili baishilebwela. Kabili batile, "Tuli abalinga ukupoka cena, pa mulandu Lesa eflyo asosesele."

Kabili kulya baliikele. Cinshi? **Nomba, bonse balya bantu balelolekesha pa mafya, lelo Yoshua na Kalebu balelolekesha ifyo Lesa asosele:** "Napela imwe cilye calo; kabiye muye poka cena." [3]

Umwinkristu wa cine alalwila icifulo cakwe. Ena alingile ukwiminina eka, wene na Lesa, kabili alalwisha iciputulwa conse icacepesha ca mushili, e ico tamulingile ukubalela bena lyonse. [4]

Lelo nomba, ukuya pantanshi! Lyena bushe mwalimona Mose, ulya kabomba uwa fipesha mano umukalamba uyo uwaletete Israele mulya mu calo,

kabili aletele bena ukufika kulya ku calo ca bulayo, lelo tapele icabupyani cabo kuli bena? Ena tabapele icabupyani cabo; ena alibatungulwile ukuya fika ku calo, **lelo Yoshua aekenye calo ku bantu**. Bushe cilya cishinka? Kabili Yesu Kristu aletele ulukuta ukufika pa ncende uko ifikwata fyabo fyapangile kuli bena, fyapelwe kuli bena, ukwabuka fye Yordan, **lelo Mupashi wa Mushilo e Uyo Ubika ulukuta mu butantiko**, Yoshua ilelo abika ulukuta mu butantiko bwa lwena, **ukupela kuli cila umo, ifyabupe, incende, icifulo. Kabili Wene e Shiwi lyakwa Lesa ililanda ukupitila mu muntu wa mukati uo Kristu apususha: Mupashi wa Mushilo.**

Nomba, bushe muleumfwa ifingi ifya cena? Nomba, ifwe tuleya mulya mwi Buku ilya **Bena Efese**. Nomba, umusango umo wine, **Ena alebika mu cifulo ulukuta umo basangwa**. Nomba, Yoshau abikile bena mu calo ca cifyalilwa. **Nomba, Mupashi wa Mushilo alebika ulukuta mucifulo caluko, mu cifulo ico bena babamo, icabupyani cabo.**

Nomba, pakutila ibumba talyalabeko cena, musangonshi twingila muli Kristu? Bushe tulailunda ku lukuta ukwingila muli Kristu? Bushe tulakwata ifyakucita ukwingila muli Kristu? Bushe telebishiwa mu menshi ukwingila muli Kristu? Musangonshi twingila muli Kristu? 1 Abena Korinti icipandwa ca 12, “Pantu ku Mupashi umo (umo, U-m-u-p-a-s-h-i, uyo uuli Mupashi wa Mushilo.) **Ifwe bonse tulabatishiwa mu calo ca bulayo** (1 Abena Korinti 12:13).

Muli ici calo ca bulayo, ifintu fyonse fyesu mu calo ca bulayo. Ilyo Israele ayabwike uyu Yordan ukwisa mu calo ca bulayo, **balilwishishe fyonse...**

Nomba, ibukisheni, muli ici calo ca bulayo, **cilya tacilepilibula ukutila imwe teti mulwale; cilya**

tacilepilibula imwe teti mukwate amafya. Lelo ici cipilibula ici (Owe, lekeni ici cingile mukati.); **cisosa ifi, ukutila cena cenu. Imeni fye no kusenda cena.**

Ilyo tuli muli Kristu, natukwata amapalo ya bumupashi. Kunse ka kwa Kristu natukwata ifya kuumfwa umfwa. Muli Kristu twalikwata amapalo ayatuntulu, te fya kusumina fye, te fyabufi, te fyakuipangila fye. Lelo ilyo lyonse imwe muleesha ukusosa ukutila muli mu calo ca bulayo, kabili tamwaba, imembu shenu shikamusanga. Kabili icintu cakubalilapo na mwishiba, mukaisanga mwebene mu mafya na fyonse, nge fyo tuciita mwi sonde, abafulunganishiwa. **Muli no kusanga ukutila ta mukwete ico mulelandapo. Lelo ilyo mwaba muli Kristu Yesu, Ena ali mulaya umutende wa mu myulu, amapalo ya mu myulu, Umupashi wa mu myulu; ifintu fyonse fyenu.** Imwe muli mu calo ca bulayo kabili na mukwata umupwilapo ifintu fyonse. Amen. Owe. Leken tubelenge cena.

Nomba, pano epo ulukuta luipununa ububi nganshi.

“Nge fyo ena atusalile muli wene...” Muli Uyo? Kristu. *(Abena Efese 1:3-7).*

Musangonshi twapokele ici? Musangonshi twaishibilamo cena? Lesa, ilyo mufula we sonde taulabako alitulingile libela ifwe. Bani? **Balya abali mu calo ca bulayo.** *“...atulingile libela kabela ukuba abana ba mwine muli Yesu Kristu...umwabelo kubeka kwa kupanga kwakwe,*

Ku kutashiwa kwa bukata Bwakwe... (Pakutila twingalumbanya Wene ngefyo Ena asosele. Filya efyo Ena aba, Lesa, ifwe tulefwaya ukulumbanya Wene.)...ukutashiwa kwa bukata bwa kusenamina Kwakwe, uko atusenamine mu watemwikwa. (Muli Kristu ifwe twalipokelelwa.) muli uyo twakwata mu

kulubuka mu mulopa wakwe, ukulekelelwa kwa m-e-m-b-u..."

Nomba, **ibukisheni, Lesa alingile libela imwe ku kwishibila libela, ukutula mwaleisa kuli ici.** Lesa, ku kwishibila libela, alingile libela imwe ukwisa ku calo ca bulayo. Ni cinshi lcalo ca bulayo ku Mwinakristu ilelo? *"Ubulayo buli kuli imwe na ku bana benu, na kuli bonse abali ukutali (Imilimo ya Batumwa 2:39). Cikaba mu nshiku sha kulekelesha, Lesa atila, Nkapongolwela Umupashi Wandu pa bantunse bonse, elyo abana benu abaume na bana benu abanakashi" (Imilimo ya Batumwa 2:14-18).* Kabili muli *Esaya 28:18, "Ifunde pe funde, umulingo pa mulingo; akanini apa akanini apa; ikatisheni ico icili icisuma. Pa kuti ku kulongo fyanya kwa milomo kabili ku lulimi lumbi Nkasosela kuli aba bantu. Apa e pabo kutusha (Uku, Ukutusha) icalo ce sabata ico nasosele ukutula bena bakengilamo. Kabili, pali fyonse ifi, tabatemenwe ukumfwa, lelo bapukwinye imitwe yabo, no kotalukako, teti bomfye Cena"* Mwamona? Filya fine.

Lolekesheni mulya mu Bahebere 4:1-10, bushe ena tasosele pakutusha kumbi? Lesa alengele ubushiku bwa cinelubali no kubapela ukutusha pa bushiku bwa cinelubali *(Ukutendeka 2:1-3).* Incende imbi ena alandile pa kutusha, asosele, *"ilelo muli Dabidi..."* Lyena Ena apele bena ukutusha kumbi, *"Iseni kuli Ine bonse abacucutikwa kabili abafinwa, Naine nalamupela ukutusha."* Ingileni muli uku kutusha *(Mateo 11:28-30.)* Pantu ifwe fwebaingila muli uku kutusha natulekelako ku milimo yesu ngefyo Lesa acitile ku Yakwe pe sabata. Mucine. Ilya isabata lyenu, ukutusha. **Kulya ukutusha kwenu ukwa cine muli ici calo cabulayo.**

Mwacimone co, ukwingila muli ici calo ca bulayo. Musangonshi twingila muli cena? **Ifwe twali lingilwa libela muli kwena, ulukuta, ku kwishibila libela kwa kwa Lesa.** Lwalilingilwa libela kuli cinshi? Ku kutashiwa Kwakwe, ku kusenamina Kwakwe, ku bukata no kupepa no bukata bwakwa Lesa. Papa, ukwikala kunuma kulya mu kutendeka, uwalipo umwine eka, nangu cimo ukushinguluka Wene, alefwaya icintu cimo ukupepa, e ico Ena asontele libela no kulingila libela ulukuta, kabili ilyo mufula we sonde taulalengwa, no kubika amashina yabo mwi Buku Iya Mwana wa mpaanga ilya Mweo Iyo bena baipaiwe ilyo mufula wesonde taulalengwa, **pa kutila bengamoneka ku bukata Bwakwe no kulumbanya Wene pa nshita yampela, ilyo kukalonganikwa ifintu fyonse muli ulwa Umwaume umo, Kristu Yesu.** Whew. Ubukata. Cilya e co. Kabili ni cilya cine palya pene, munyinane, nkashi. Mwikatala sela kuli cilya.

Ni cinshi icilenga bena ukuba abaibela? Imwe muli luko Iwa mushilo (*1Petro 2:9-10*). Ni cinshi ico mwacita? **Mwafumine muli cilya calo. Imwe muli mulya mu calo cimbi. Musangonshi mwaishile kulya lubali? Cilya e calo ca bulayo.** Bulayo bwa musangonshi? *“Cikaba mu nshiku shakulekelesha, Nkapongolwela Umupashi Wandi pa bantunse bonse” (Imilimo ya Batumwa 2:14-18).* Ku Mupashi umo ifwe bonse twalibatishiwa **muli ici icalo cimo ica bulayo.** Ameni. Ba munyina na bankashi (Alleluya.) No kusanguluka kwa mutima, takuli akalumwa, takuli ubulwani, nangu cimo...

Nshilesakama nga cakutla munyina afuma munshila, temulandu ifyo acita, imwe muka mukonka wene. Nali konkele munyina tekale sana, uwa fumine munshila. Umulumendo wacaice atile kuli ine, atile, “Leka ulya

umunkalwe aleya. Muleke abe.” Natile, “Nga nkatala nkesa ku cifulo uko umutima wandi taufwaya ukwenda na munyinane, lyena ni nshita kuli ine ukuya ku cipailo, pa mulandu ningwa ukufuma ku kusenamina.” Natile, ndi no kuya ilyo lyonse ena nakwata umupu mu mubili wakwe, kabili ndi no ku mwikata pa cifulo cimo mu kati ka bulendo.” Ee, mukwai. Kabili nali mwikete wene (Alleluya.), no ku mubwesha. Ee, mukwai. Ena nabwela mwicinka ali fye bwino nomba. Ee, mukwai. Ena ali lubile uwa shininkisha fye nge sonde. [5]

Pantu Petro atile, *“Lapileni, cila umo muli imwe, no kubatishiwa mwi Shina lyakwa Yesu Kristu ku kulekelelwa kwa membu, pantu ubulayo buli kuli imwe (Ifyo caba icalo ica bulayo), na kubana benu, na kuli bonse abali ukutali, na bonse abo Shikulu Lesa wesu aketa.”*

Ni cinshi icacitike (mu Mpendwa 13 na 14)? Nde mipusha. Nomba, ine ndi upashanya, kabili umwaume onse uyo uwaishiba Baibele ni ulya upashanya. Bushe umo uwa balya abaume balifikile mu calo ca bulayo? Te umo uwa bena. Nani uwacitile? Nibani abo abaile kulya lubali? Balya abaile intanshi, baishilebwela, kabili batile, “Ifwe kuti twasenda cena. Ifwe kuti twakwata Mupashi wa Mushilo pantu Lesa efyo asosa.”

“Petro atile pa bushiku bwa Pentecost, nga kuti nalapila no kubatishiwa mwi Shina lyakwa Yesu Kristu, ningile ukupokelela Mupashi wa Mushilo, ubulayo bwandi. Ndefwaya ukucita cena. Ubwandi, ubulayo bwandi.” Muleumfwa cena? Nomba, ubulayo bwandi. Napokelela bwena; bwena bwandi. Mucine efyo cili. Bena bali fye beka (*Imilimo ya Batumwa 2:38-41*). [6]

Bena baba nga abana ba Israele abo abafumine mu Egupti kabili tabafikile mu calo ca bulayo. Nomba balya abana ba Israele bafumine mu Egypt nalimo ba million

babili aba maka. **Bonse baendele capamo, bonse ba mwene ifipasha amano fyakwa Lesa, bonse balile manna umo wine na menshi ku cilibwe icaumwa, bonse bakonkele ikumbi limo line mu kasuba kabili ne ntumba ya mulilo mu bushiku lelo babili fye e bafikile mu calo ca bulayo. Babili fye e bali aba cishinka atemwa abacetekela aba cine.** Cilya cishinka pa mulandu Icebo ciletweba ukutula abashala balifwile pa mulandu wa ku kana cetekela; kabili pamulandu wa kukanacetekela bena tekuti bengilemo (*Abahebere 3:19*). Lyena apo cilya cili ifi, kabili babili fye ebaingile, lyena abashala tabali abacetekela abacine. Ni cinshi icalengele ubupusano? **Babili baikele ne Cebo.** Ilyo imitima ya nengu ikumi yafililwe pa Kardesh-Barnea, Yoshua na Kalebu tabatenshiwe **pantu balicetekele Icebo** kabili batile, “Tuli abapulamo ukusenda icalo.” **Bena baliishibe kuti bacita pantu Lesa asosele, “Napela imwe icalo.”** Panuma ilyo bonse balya abena Israele bamwene amaka no busuma no kupokololwa kuli Lesa tabaingile mu kutusha, ico icaba icipasho ca Mupashi wa Mushilo. E ico kuti mwamona ili line **ukutula banono nganshi abo abakatala ukucetekela ukuya fye na mukupokelela Umupashi wa kwa Lesa.**

[7]

Nomba lekeni twiminine nga Yoshua na Kalebu. **Icalo cesu ca bulayo cilemonekela ngefyo icabo cacitile. Nomba Yoshua cipilibula “Yehoba Kapususha”, kabili e mininako intungulushi ya nshita yampela uyo ukesa ku lukuta nga filya Paulo aishile nge ntungulushi yantendekelo. Kalebu e mininako balya abaikele abacishinka na Yoshua.** Ibukisheni, Lesa atendeke Israele nga nacisungu ne Cebo Cakwe. Lelo balefwaya icintu cimbi icapusana. E fyo lwacitile no lukuta lwa bushiku bwa kulekelesha. **Moneni ifyo Lesa taenseshe**

Israele, atemwa ukuleka wene ukwingila mu calo ca bulayo mpaka yali ni nshita Yakwe iya sontwa. Nomba abantu limbi balibikile ukutitikisha pali Yoshua, intungulushi kabili batile “Icalo cesu, natuleya no kupoka cena. Yoshua, iwe naupwa, iwe ulingile naulufya ukulashikwa kobe, iwe taukwete amaka yalya walekwata. Iwe waleumfwa kuli Lesa no kwishiba ubufwayo bwa kwa Lesa, no kubomba bwangu bwangu. Icintu cimo nacilubana na iwe.” **Lelo Yoshua ali kasesema uwa tumwa na Lesa kabili aliishibe ama bulayo yakwa Lesa, e ico ena alilolele pali yena. Ena lelolela ukupanga ukwapwililika ukufuma kuli Lesa** kabili lyena ilyo nshita yafikile ukusela, Lesa abikile ubutungulushi bonse mu minwe yakwa Yoshua pa mulandu aikele ne Cebo. Lesa kuti asubila Yoshua lelo te bambi. E ico cili no kubwekeshapo muli ubu bushiku bwa kulekelesha. Ubwafya bumo bwine, ukutikishiwa kumo kwine. [8]

Ukulingilwa libela ukutula ilyo isonde talilalengwa ukuba abana ba mwine, ukulingilwa libela ku Mweo wa Muyayaya. Nomba, **panuma ilyo mwaishile mu Mweo wa Muyayaya, panuma ilyo mwapusushiwa, mwa shishiwa, ukwisushiwa na Mupashi wa Mushilo, imwe muli bana. Nomba, Lesa ukufwaya ukubika imwe mu cifulo, owe, pa kutila mwingabombela Ubufumu Bwakwe ku bukata Bwakwe.**

Ilya e Mbila nsuma. Pakuba abantanshi, ukuumfwa Icebo, “Lapileni, no kubatishiwa mwi Shina lyakwa Yesu Kristu kukulekelelwa kwa membu.” Ukufumyapo imembu shenu shonse, ukwita pe Shina lyakwa Shikulu Yesu Kristu, ku calo ca bulayo...Ubulayo buli ku mulebeshi onse uli pa bulendo bwenu. Nga namusha ing’anda yenu muno bushiku, umubembu, ukusosa, “Ndi nokuya kulya ku Tabernacle,” Lesa alepela imwe

ishuko muno bushiku. Kuliko icintu cimo icili pakati ka imwe ne calo ca bulayo. **Ni cinshi icalo ca bulayo? Mupashi wa Mushilo. Icali pakati ka kwa Yoshua ne calo ca bulayo cali ni Yordan.** Filya fine cishinka.

Mose, pakuba icipasho ca kwa Kristu, atungulwile abana ukufika ku calo ca bulayo; lyena Mose tatwele abana mu calo ca bulayo. **Yoshua atwele abantu mukati no kwakanya icalo.** Yesu alipile umutengo, abatungulwile mpaka ku Mupashi wa Mushilo. Lesa atumine Umupashi wa Mushilo ukwikila, kabili Ena mu cifulo abikile ulukuta mu butantiko, cila muntu, ukumwisusha no Mulola wa Buntu bwakwe. Mulemona ico ndepilibula? Bonse muli Kristu Yesu, ifyo Lesa alingile libela ici ku bwite bwa iyi Mbila nsuma.

Paulo, Abena Galatia 1:8, atile, *“Nga Malaika aisa no kushimikila ifintu fimbi, lekeni akungwe cilai.”* Icine, Imbila nsuma...nomba, umfwikisheni ilyo tuletwalilala ukubelenga, ukupwisha verse.

“Muli uyo na imwe mwatetekele, ilyo mwaumfwile Icebo ca cine, Imbila nsuma ye pusukilo lyenu: muli uyo kabili ilyo mwatetekele, mwakakatikwe ulyo Umupashi wa Mushilo uwalaiwe” (Abena Efese 1:13). [9]

Kabili ibukisheni, ulubembu ulo Israele acitile (kuli Balaamu ukusosa **beni bonse bali cimo cine, lulyo lubembu talwalekelelwe Israele (Impendwa 25:1-9),** Kabili moneni; lekeni mupele icipendo icakutinya; ukufuma muli ba millioni babili abafumine mu Egupti, babibili muli beni baile mu calo ca bulayo. Cila umo uwa beni balilile icintu cimo cine; beni bonse balishaninine mu Mupashi; bonse balikwete fyonse mu mulinganya. Lelo ilyo caishile ku nshita ya kupatukana, **Icebo cali bapatwile. E fyo cili ne lelo. Icebo na cipatula.** Ilyo inshita yafikile atile, “Cinshi, pano, ifwe tuli...”

Bonse abene Israele, panuma ilyo bamwene Mose ukubomba cilya no kubaleta kulya kwine ku kabungwe aka kalamba, uko bwalingilwe ukubela, cila umo uwa bane batile, “Ifwe tuleya na Balaam, pamulandu ifwe tuletontonkanya Dr. Balaamu, ali uwalungama. Ena alicenjela nganshi, uwasambilila nganshi, ifintu fyonse, e ico twalapoka fye cena.”

Kabili Lesa tatalile belela. Ena alibonawile mulya mwine mu matololo. Kabili Yesu atile, Umwine, “Bena tabakatale isa; takuli nangu umo uwa bena uyo uwa pusushiwa.”

Batile, “Bashifwe balile mana mu matololo pa myaka makumi yane.”

Ena atile, “Bena bonse balifwa (abapatulwa ukufuma kuli Lesa umuyayaya). Cila umo uwabena balifwa.” Mucine. **Pa mulandu baumfwilile ku cilubo.** Ilyo Mose uwashininkishiwa na Lesa kabili intungulushi ukubalangisha bena inshila yakuya ku calo ca bulayo, kabili bali ishile fye bwino, lelo lyena tekuti bende pamo nankwe.

Nomba, abacetekela kuti bamona cena, lelo abashacetekela teti bamone cilya ukushininkishiwa. [10]

Ngefyo Mose aitile inko ukufuma mu nko, Kristu ilelo aleita ulukuta ukufuma mu lukuta, icintu cimo cine mu cipasho, ukubatwala ku ca bukata nganshi icalo ca bulayo ca muyayaya.

Lelo pano paisa Mose, umubomfi uwacishinka uyo uwasendele ukusebana kwa kwa Kristu ukuba icuma icikalamba ukucila ubunonshi bonse bwa Egupti (*Abahebere 11:23-27*). Ena aishile ku mpela ya bulendo, umwaume umukote, imyaka yakufyalwa umwanda umo na makumi yabili; aile palya pa lupili, kabili ena aliishibe ukutila imfwa yali kuntanshi yakwe, **kabili arolekeshe kulya mu calo ca bulayo** (*Amalango*

34). Kabili alolekeshe, ukuba palya kulubali lwakwe, paliko Intungulushi yakwe, Icilibwe. Ena atampwile pa cilibwe, kabili ba Malaika bakwa Lesa bali musendele mukati ka bukata bwakwa Lesa, mukati ka cifuba cakwa Lesa. Cinshi? Imyaka imyanda cinekonse konse panuma, ena nalyo line ali acili aletungululwa ne Ntungulushi yakwe (*Mateo 17:1-8*). [11]

Kabili Lesa tatalile bombela na Israele mpaka wene aliishile ku calo ca ku mwabo. Ng'umfweni! EFYO ASOSA SHIKULU: Lesa takabombe no Lukuta Lwakwe mpaka Lwena lukabwele ku Calo ca ku mwabo, Imbila ya ino ora. Ukubwelela ku cantendekelo! Fumeniko kuli bu Methodist bwenu, Baptist, amano ya bu Presbetyrian, ayenu ya Pentecostal, Assemblies, ba Oneness, ba Threness, naba Fiveness, conse ifyo cili, Church of God, Nazarine, Pilgrim Holiness, Church of Christ: tonse utubungwe twa munkanyakristu. Kabili ninjishiba ici cileikasha isonde. Bonse baliluba, fyonse fyakwa ciwa...Mwaba abantu abalungami muli cila cimo ca fyena, abantu abalungami muli cila kamo ka tulya utubungwe, **lelo akabungwe akene tekakwa Lesa, kabili Lesa takatale ukukapala.** Ena tatala cicita cena. [12]

Te mulandu ubutali ifyo mwaba Umwinakristu, bushe mucili mwalikwata ilye mipashi yakale ilanda kuli imwe, ilenga imwe ukusasuka, ilenga imwe ukulanda pa muntu umo? Ilyo umuntu umo aima no kulanda pa muntu umbi, imwe mulailunda fye na bena, kabili owe, no kubebaula fye? **Cilya cilubo, munyina, wilacita cilya, cilya mukulekelesha ci kakubika kunse ya calo ca bulayo.** Nga mwalikwata fye filye fintu ifinono fyakale ifyo tamulingile ukukwata, nga ukutemwa kwa kwa Lesa takulimo mucine mu mutima wenu, bushe tamwacite, mwende no kusosa, “Lesa, pano pene

nalafifumyamo, pano pene. Nalafuma muli aya amenshi umuntu uwaibela.” Bushe kuti mwaisa? ^[13]

Umwakumona:

- [1] “Amepusho na Masuko” (59-1223), COD-Book
pg. 508-Q- No.106
- [2] “Ukutunganya” (62-0408) par. 18-22
- [3] “Amepusho na Masuko”(61-1015M), COD-Book
pg. 659-660, Q-No. 152
- [4] “Umukosha” (64-0305), par. 94
- [5] “Ubwana Part 2”(60-0518), par. 19, 31-36, 103,
124, 129, 132, 140-142, 196
- [6] “Ubwana Part 3” (60-0522M), par. 189, 202
- [7] “Inshita ya Lukuka lwa Sumuna”, CAB pg. 148
- [8] “Inshita ya Lukuta Lwa Pergamo CAB, Pg.172
- [9] “Ubwana Part IV” (60-0522E), par. 112-114
- [10] “Ifilecitika UKuletwa Palwalala Ku Busesemo”
(65-1206), par. 124, 178-182
- [11] “Ubutungulushi” (65-1207), par. 141,279
- [12] “Amapange yakwa Gabriel kuli Daniel” (61-
0730M), par.133
- [13] “Imipashi Ya Kubeleleka” (55-0724), par. 135